



## سعادة Peter Dutton عضو البرلمان وزير الهجرة وحماية الحدود

### نشرة إعلامية

23 أبريل 2017

### 1000 يوم وحدودنا بتاعتنا قوية ومؤمنة

لغاية هسي انتهت 1000 يوم ممّا وصل آخر قارب لتهريب البشر لأستراليا وأكثر من ثلاثة سنين من آخر حادثة بتاعت وفاة معروفة في البحر على أيدي مهربين البشر.

وزير الهجرة وحماية الحدود Peter Dutton قال أنو الحكومة الأسترالية حا تكون طوالي متمسكة بالسياسة دي.

ويرضو Mr Dutton قال: "الإنجاز دا بثبت بكل تأكيد أنو سياسات التحالف الصارمة بتاعت حماية الحدود أثبتت ولغاية هسي بتثبت أنها بتنتفع شديد".

"قبل عمليات السيادة على الحدود، في أكثر من 50,000 من المهاجرين غير الشرعيين وصلو أستراليا بالبحر عن طريق أكثر من 800 قارب لتهريب البشر، وأكثر من 8000 طفل في مرافق الاحتجاز، وأكثر من 1200 حادثة وفاة مأساوية في البحر.

"عمليات السيادة على الحدود نجحت في وقف أنشطة بتاعت تهريب البشر بالبحر وأنقذت عدد كبير شديد من الأرواح. النجاح دا خلى الحكومة تقدر تمرق كل الأطفال من الاحتجاز وتقفل 17 مرفق بتاعت احتجاز.

Mr Dutton قال: "على الرغم من نجاح بتاعنا، نحن عارفين أنو تهديد بتاع تهريب البشر لسه موجود".

"خلال الـ 1000 يوم الفانت، عمليات السيادة على الحدود اعترضت ورجعت 30 قارب بتاعت تهريب البشر وأكثر من 765 زول حاولو يصلو لأستراليا بطريقة غير مشروعة.

"مهربين البشر عملو محاولات كثيرة عشان يلقو طريق خلال دفاعات بتاعنا، لكن في كل مرة قدراتن بتاعتنا في مجال حماية الحدود كانت يتوقفهم بنجاح.

"قدرة بتاعت أستراليا على اكتشاف واعراض واعادة قوارب بتاعت تهريب البشر بقت أقوى من أي وكت فات.

"الإنجاز دا محسوب للوكالات الأسترالية الـ 16 المشاركة في عمليات السيادة على الحدود وأفراد طاقم العمل البشتغلو كثير وكل يوم عشان تأمين حدود بتاعت أستراليا.

"أنا برضو داير أشيد بالإسهامات القدموها شركاء بتاعنا الدوليين لتعطيل وتفكيك شبكات بتاعت تهريب البشر الإجرامية.

"أستراليا وشركاء بتاعنا الإقليميين حا يكونو متحمسين طوالي لمواصلة جهودنا للقضاء على تهريب البشر في كل أنحاء المنطقة.

"نحن لازم نتأكد من عدم تعرُّض المزيد من الناس للخداع والمخاطرة بحياتهم على متن قوارب غير آمنة وتدمير المستقبل المالي بتاع أسرهم من خلال عمليات مهريين البشر الاحتيالية.

"التوطين في أستراليا ما حا يكون أبداً خيار لأي زول يحاول السفر لأستراليا بطريقة غير مشروعة على متن قارب. مافي أي استثناءات".

**المزيد من المعلومات: مكتب الوزير Dutton – 02 6277 7860**